

NERE ADISKIDEARI

Etsai gabeko lagun mattea;
leku danetan estimatua;
euskaldun ona, seme leyala,
arrazoi aundiz miraritua;
bertutearen meriyo baldiñ
irabazitzen bada zerua,
zure egite konta eziñak
gañezka dute meresitua.

V. IRAOLA

* * *

¡MALKO BAT!

Orra On Migel Salaberria
mundu guziyen laguna
¡ill da! ¡a! ¡ill da! gizarajua
ain leyala ta ain ona
zerbaiten gatik oroitutzen zan
zerutikan gure Jauna
samintasunak ateratzeko
eraman du bere gana.

LUIS LATIERRO

* * *

¡OROITZ NEGARGARRIYA!

¡Ill zan! On Migel Salaberria
egun batetik bestera,
bizitu zana zaitutzen beti
Ondotik Ama euskera;
Euskal-erritik egan igo zan
Jauna-ren aldamenera,
zeruban ere aingeruchuai
itzkuntz au erakustera.

CAYETANO S. IRURE